



Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 829 del 30/03/2026

Ai 14 de oril l prum apuntament su la tematica de la gaboles

Digitèl sorì, vegn endò metù a jir i corsc online

[Ladino] Co se pelel recognoscer na gabola online? Co pelela l'Inteligenza Artifizietàa ne didèr te la vita da duc i dis? Coluns ei i deric e coluns ei i doeres che aon canche duron la technologies digitèles? A che servel l TreC? La respostes a chesta e a n muie de outra domanes les vegnarà dai corsc online del projet "Pont Digitèl Sorì" che i vegnarà fat ence del 2026. L projet, avert a duta la zitadinanza, l vegn portà dant da la Provincia autonoma de Trent, en colaborazion con TSM - Trentino School of Management e l à l obietif de smaorèr la competenzes digitèles de la popolazion trentina.

I corsc neves i metarà man en mèrtesc ai 14 de oril del 2026, con na scontrèda dedichèda a la gaboles online e a coche se pel fèr per se defener. Te la scontrèdes do vegnarà rejonà de Inteligenza Artifizietàa (ai 12 de mé), de zitadinanza digitèla (ai 16 de jugn) e de TreC (ai 23 de jugn)."

Duc i apuntamenc i vegnarà metui a jir col medemo orarie, da les 17:00 a les 18:00. L azess ai corsc, dal PC personal o smartphone, l é debant, ma l é de obligh se enscinuèr.

Cassot duta la informazion per se scriver ite e per poder tor pèrt:

<https://www.tsm.tn.it/attivita/punto-digitale-facile-seminari-online-2026/> .

L projet "Punto Digitale Facile" l é finanzià dal PNRR tel chèder del investment "Rete dei servizi di facilitazione digitale" del Departiment per la trasformazion digitèla de la Presidenza del Consei di Ministres. PNRR - MIC1 INVESTIMENT 1.7.2 "RETE DEI SERVIZI DI FACILITAZIONE DIGITALE" FINANZIATO DALL'UNIONE EUROPEA – NEXTGENERATIONEU - CUP: C49I23000110006

Traduzion di Servijes Linguistics e Culturèi del Comun general de Fascia

(cdt)